



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1859

XVI. Markgraf Ludwig vereignet zu einem von dem Schulzen der Stadt
Soldin in der hiesigen Pfarrkirche gestifteten Altare verschiedene
Hebungen, am 18. November 1336.

Nutzungsbedingungen

[urn:nbn:de:hbz:466:1-55359](https://nbn-resolving.org/urn:nbn:de:hbz:466:1-55359)

et obsequiis tenere, quod eidem vel eisdem personis, dummodo tamen vicarios secundum ipsius ecclesie consuetudinem statuerint, prebendarum ipsarum obventiones per capitulum predictum ministrantur. Renunciamus igitur pro nobis heredibus et successoribus nostris omni suffragio iuris, facti, statuti vel consuetudinis, quod nobis ex nunc in dictis ecclesiis competit, aut in eisdem in futurum posset competere, si premissae conditiones fuerint observatae. In quorum omnium evidentiam et testimonium presentes conscribi sigillique nostri appensi manimine iussimus communiri. Testes hujus scripti sunt strenui milites Diepoldus Guzze, Altmannus de Degenberg, Johannes de Buch, Ludouicus senior de Wedel, Albertus Gemminger, Henningus de Jagow, Henricus de Krocheren, Albertus de Wolfstein, famulus, honorabiles viri dominus Gerwinus, Prepositus Bernowensis, Hermannus de Lucho cum aliis fide dignis. Datum Berlin, anno domini M. CCC. tricesimo quinto, Sabbato post festum Petri et Pauli apostolorum.

Aus demselben Copialbuche und Ditzmann's Sammlung fol. 96.

XV. Markgraf Ludwig befehlt einen Bürger Soldin's mit Hebungen aus der Münze zu Königsberg, am 5. September 1335.

Anno M. CCC. XXXV. feria III^a infra octavam natiuitatis beate virginis Contulimus Walthero Verwer, cui in Soldin, septem librarum redditus in moneta kunigsberg eo jure et modo, sicut ipsos Henningus de wenningen habuit et possedit, iure nostro tamen saluo, quiete et pacifice possidendos.

Aus einem Copialbuche des Geh. Staats-Archives (I. C. 4 in quarto.)

XVI. Markgraf Ludwig vereignet zu einem von dem Schulzen der Stadt Soldin in der hiesigen Pfarrkirche gestifteten Altare verschiedene Hebungen, am 18. November 1336.

In nomine domini amen. Erroris mater obliuio nocumenta rebus et causis inducere consuevit, nisi sibi testium vel scripturarum patrocinio salubrius obuietur. Hinc est, quod nos Ludouicus, dei gratia etc. volentes magnificorum principum bone recordationis Marchionum Brandenburgensium predecessorum nostrorum, nostri, heredum ac successorum nostrorum saluti animarum diligentius prouidere, altari in honore sancti Jacobi apostoli dedicato, in ecclesia parochiali ciuitatis nostre Soldin sito, per discretum virum Meynonem, eiusdem ciuitatis nostre sculetum nobis dilectum, dotato siue fundato, appropriauimus et presentibus appropriare decreuimus IIII frusta reddituum preter V solidos denariorum Brandenburgensium in censu manforum, vulgari nomine Hauenzins

nominatorum, ville dicte Sunnenburg, prope eandem ciuitatem nostram site, que ad nos rite per decessum Henningi Garchow, fidelis nostri dilecti bone recordationis, sunt deuoluta cum tribus fructis et medio et duobus solidis denariorum Brandenburgensium in pactu in villa Karzick sitis, cum omni iure, honore, commodo, libertate et gracia, quibus premissos redditus Hermannus Holtzbotel, fidelis noster dilectus, tenuit et possedit, perpetuis temporibus altari prenotato sine inquietatione qualibet pertinendos. In cuius etc. Testes nobilis vir Io. de Buch, L. de Wedel, Hasso senior de Wedel et Tyde Brederlo cum ceteris. Datum Berlin, anno domini M. CCC. XXXVI, in octaua beati Martini Episcopi.

In einem Copialbuche des Geh. Staatsarchives (I. Cod. 4 in quarto) und in Diefmann's Urkunden-Sammlung des Königl. Geh. Staatsarchives f. 212 mit dem Datum octaua beati Martini. In dem Breslauer Exemplar steht jedoch das Datum wie oben.

XVII. Markgraf Ludwig vereignet dem Dom zu Soldin acht Hufen im Felde des Städtchens Neuenburg, am 8. September 1337.

Nouerint etc. Quod nos Ludouicus etc. ob perpetuam rei memoriam, predecessorum, nostri, heredum et successorum nostrorum, Marchionum Brandenburgensium bone recordationis, et etiam ob id, quod habundancius, habitis ipsorum victualium necessariis, eo frequencius et effectuosius summo valeant obsequi creatori, honorabilibus et discretis viris decano, preposito, cappitulo siue collegio sancte Marie, inter muros ciuitatis nostre Soldin sito, appropriauimus et ex mera mentis nostre beniuolentia presentibus appropriamus octo mansos, inter campos et terminos opidi dicti Nuwenburg sitos, quatuorque solidos annuorum reddituum, in censu arearum in ipso opido situatarum, sine impetitione qualibet quiete et pacifice perpetue possidendos, quos ex nostro bono consensu a dilecto nostro camerario Henrico, dicto Vrsel, debito pretio emerunt et comparauerunt pecunia numerata, eximentes ipsos mansos predictos cum vniuersis ipsorum pertinentiis eisdem ex debito vel ex iure pertinentibus ab omni seruitio seruituteque reali vel personali, a uecturis siue curiarum ductionibus, a precariis et ceteris dationibus quibuscunque, sic quod ipsos ab huiusmodi premissis seruitutibus supportatos denuo debeant perpetue possidere. In cuius etc. Testes dominus Io. Buch, c. n. d., Ludoko de Wedel, Hasso de Wedel, Tydekinus de Brederlo cum ceteris. Datum Berlin, anno domini M. CCC. XXXVII, in feria natiuitatis Marie virginis gloriose.

Aus einem Copialbuche des Geh. Staatsarchives (I. Cod. 4 in quarto).